



# PREZIDÊNCIA KONSELLU MINISTRUS

V GOVERNUN KONSTITUSIONÁL

DÍLI, LORON 29 FULAN MAIU TINAN 2013

## KOMUNIKADU IMPRENSA

### **Sorumutu estraordináriu Konsellu Ministru loron 29 fulan Maiu 2013**

V Governu Konstitusionál hala'o sorumutu estraordinária iha kuarta-feira semana liu ba, loron 29 fulan Maiu 2013, iha sala sorumutu Konsellu Ministru nian, iha Palásiu Governu, iha Díli, no aprova ona:

**1. Proposta Lei ba alterasaun dahuluk Orgánika Kámara Kontas Tribunál Superiór Amdministrativu, Fizkál no Kontas nian**

Alterasaun ne'e hakarak ajusta montante, dólar millaun lima, hosi kontratu hirak ne'ebe mak tenke hetan uluk lai vistu hosi Kámara Kontas, nune'e mos ninia prosedimentu balun, no prazu ida nesesáriu atu hato'o apresentasaun kona-ba konta Jerál Estadu nian.

**2. Rezolusaun Governu ne'ebe aprova Apoiu Solidariedade ba Repúblika Demokrátika São Tomé e Príncipe**

Nu'udar Estadu ki'ik ida, São Tomé e Príncipe, enfrenta difikuldade grave iha política no dezafiu ekonómiku nian ne'ebé mosu la'os de'it iha nia prespektiva atu kombate hasoru kiak, maibe mós nia objektivu atu hodi dezenvolve nasaun.

Estratéjia Nasionál ba Hamenus Kiak ne'ebé Estadu São Tomé e Príncipe aprova tiha ona iha tinan 2002, prevee ona katak, to'o tinan 2015, indise hamenus moris kiak nian sei to'o porsentu 17,7%. Dezafiu ne'e difisil ba país ida ne'ebe nível malnutrisaun no subnutrisaun dala nen ás liu normál.

Ho konsiénsia ida atu tulun lori país irmaun ne'e hamutuk ho ninia populasaun ba moris ida dignu no di'ak no haree katak estabilidade política mak hanesan esensial atu promove no konsolida koezaun sosiál, mak Governu Timor-Leste aprova tiha ona atu fó osan \$ 5.000.000.00 (Millaun Lima dólar amerikanu) ba Orsamentu Jerál Estadu 2013 Governu São Tomé e Príncipe nian, no apoiu espesial ba



Palácio do Governo,  
Avenida Presidente Nicolau Lobato,  
Díli, Timor-Leste

ddigovtl.09@gmail.com  
(+670) 33 310 608

finansiamentu projektu spesífiku Assembleia Nasionál ba tinan 2013, ho valór USD \$ 2.000.000.00 (millaun rua dólares amerikanu). Montante hirak ne'e disponibiliza liu hosi Fundu Kontinjénsia nian.

**3. Dekretu Governu ne'ebé aprova Subsídium Alimentasaun hosi Funsionáriu sira ho Funksaun Vijilánsia Diresaun Nasionál Seguransa ba Edifísiu Públiku sira nian**

Diploma ida ne'e revoga Dekretu Governu n° 3/2012, loran 14 fulan Marsu, no hodi fixa osan USD \$ 30 (dólar amerikanu tolunulu) ba fulan-fulan, valór subsídium ba alimentasaun ba funsionáriu sira ne'ebé ho funsaun halo vijilánsia ba Diresaun Nasionál Seguransa ba Edifísiu Públiku sira. Montante hirak ne'e prevee ona iha Orsamentu Jerál Estadu nian, tinan 2013.

**4. Rezolusaun Governu ne'ebe Aprova tiha Intervensaun hosi Ministériu Komérsiu Indústriá no Ambiente iha Merkadu Materiál Konstrusaun nian**

Merkadu nasionál ba materiál konstrusaun sira apresenta limitasaun balun ba nível kuantidade no qualidade, ne'ebé provoka hodi halo instabilidade ba presu no dezigualdade sosiál iha asesu ba bens hirak ne'e. Hare ba senáriu ne'e, Konsellu Ministru rezolve autoriza Ministériu Komérsiu Indústriá no Ambiente (MCIA) hodi intervein hamutuk iha merkadu materiál konstrusaun nian. MCIA mak sei responsabiliza atu fixa presu hirak ne'e, halo inspesaun ba qualidade no kustu materiál-prima ba konstrusaun nian, nune'e mós atu hodi promove publikasaun presu sira ne'e ba iha órgaun komunikasaun sosiál.

